



26. august 2014

UKA 2014/80

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq saqqummiuppara:

Nunatsinni tamani utoqqaat illuisa pilersaaruserfigineqarnissaanik siunnersuut apeqquteqaat aallavigalugu oqallittoqarnissaanik siunnersuut tamatumuuna saqqummiuppara.

(Inatsisartunut ilaasortaq Hans Enoksen Partii Naleraq)

Tunngavilersuut:

Nunatsinni tamarmi nunaqarfinni illoqarfinnilu utoqqaat amerliartornerat tunngavigalugu ilaatigut utoqqaat illuisa pilersaaruserfigineqarnissaat kommunit peqatigalugit aallartitoqartariaqalersoq matumuuna saqqummiuppara.

Sinerissami utoqqaat illoqarnikkut atugaat sumiiffiit ilaanni ilaatigut pitsaanerpaajunngitsut tamatta ilisimavarput, pingaartumik aamma nunaqarfiit illoqarfiillu eqqarsaatigalugit.

Utoqqaat nunatsinni amerliartorput, ilaatigullu aamma innarluuteqalertartut aamma amerliartorput, siunissamilu qularnangilaq utoqqaat amerliartornerat tunngavigalugu suli innarluutilinnut utoqqanullu peqqissunut inissiat pitsaasut amigaataaleriartuinnartussaassallutik. Tamannalu pinngitsoorneqassappat kommunit peqatigalugit Naalakkersuisut utoqqaat illuinut pilersaaruserlutik aallartittariaqalerput.

Massakkut atugassarititaasut qiviraanni, illoqarfiit ilaanni utaqqisut sivisuumik utoqqaat illuinut nuunniartut utaqqisariaqartarput, taavalu massakkut ilaatigut utoqqaanngikkaluarlutik innarluuteqalersimasut allamik inissaqannginnertik pissutigalugu utoqqaat illuinut inissinneqartarput, Allamik inissaqannginnertik pissutigalugu.

Nunaqarfinni illoqarfinnilu isorliunerusuni aamma utoqqaat najugaasa pitsanngorsarneqarnissaat aamma pinngitsoorneqarsinnaanngilaq, taamaattumik utoqqaat illoqarnikkut siunissami atugaat pitsaanerulissappatta taava pilersaaruseriornerput aallartittariaqalerparput

Oqallilluarisi!

Hans Enoksen
Partii Naleraq